



Republika e Kosovës

Komuna e Drenasit

Kuvendi i Komunës



02 Nr. 069/04-8775 dt. 16.02.2023

PROCESVERBALI

I mbledhjes se rregullt të Kuvendit Komunal të Drenasit të Mbajtur më datë: **25.01.2023**

Mbledhjen e kryesoi kryesuesi i Kuvendit Komunal-Milaim Hajdari

Kryesuesi deklaroi të hapura punimet e mbledhjes së rregullt të Kuvendit Komunal, ku të pranishëm ishin 31 anëtarë: Labinot Halilaj (PDK), Bekim Lestrani (PDK), Arigon Sinani (PDK), Zeqir Hasi (PDK), Laurita Muhadri Bujupi (PDK), Hamit Kastrati (PDK), Blerina Gashi (PDK), Gani Krasniqi (PDK), Fatmir Baliu (PDK), Qendrim Mulaj (PDK), Malsore Cakiqi (PDK), Agnesë Kastrati (PDK), Albulena Saliuku (PDK), Mirlinda Dvorani (PDK), Valentina Leku (PDK), Sali Dvorani (DD), Mergim Pirraku (DD), Mehedin Salihu (DD), Hamit Haxhiu (DD), Jahir Hajdari (DD), Azemine Bujupi-Gjoka (DD), Marigona Bazaj (DD), Florentina Elezi-Veliu (VV), Filloreta Bujupi (VV), Drin Halilaj (VV), Muhamet Kurtaj (VV), Egzona Terrdevci (VV), Arbër Halilaj (GREEN), Beqir Kiqina (AAK), Egzon Qorri (LDK).

Kuvendi filloi punimet më këtë :

1. Procesverbali i mbledhjes së rregullt i Kuvendit Komunal Drenas të dt. 24.11.2022,dhe procesverbali i mbledhjes së Jashtëzakonshme i dt.28.12.2022.
2. Draft Propozim i Planit të Veprimt për vitin 2023-2024 të Strategjisë së Zhvillimit Ekonomik Lokal 2020-2024 me ndryshim-plotësimin.
3. Propozim Vendim për miratimin e Simbolit Përkujtimor të Gjenocidit në Kosovë.
4. Raporti i përformancës të Komunës së Drenasit për vitin 2021.
5. Raporti vjetor i Komitetit për Komunitete dhe Kthim.
6. Raporti vjetor i Komitetit Konsultativ për Persona me Aftësi të Kufizua për vitin 2022.
7. Raporti vjetor i Komitetit Konsultativ për për Arsim Kulturë Rini dhe Sport për vitin 2022.
8. Raporti vjetor i Komitetit Konsultativ për Zhvillim Ekonomik Mbrojtje të Ambientit Shëndetësi dhe Mirëqenie Sociale për vitin 2022.
9. Raporti vjetor i Komitetit Konsultativ për Komiteti për Barazi Gjinore për vitin 2022.
10. Raporti financiar Janar Dhjetor 2022.
11. Të ndryshme.

Të mekurën me dt. 25.01.2023 është mbajtur mbledhja e rregullt e Kuvendit të Komunës së Drenasit, ku për diskutim ishin 11 pika për rend dite.

Mbledhja është kryesuar nga kryesuesi i Kuvendit Komunal, Milaim Hajdari, ndërsa merrnin pjesë, kryetari i Komunës, Ramiz Lladrovci, nënkryetari Arben Shala, drejtor të drejtorive komunale, anëtarët e Kuvendit, zyra e informimit.

Më poshtë ju elaborojmë pikat që janë diskutuar e miratuar me shumicë votash në mbledhjen e rregullt të Kuvendit të Komunës.

Kryesuesi i Kuvendit Komunal, Milaim Hadari- pasi përshëndeti të gjithë të pranishmit njoftoi me rendin e ditës anëtarët e Kuvendit Komunal.

Arbër Halilaj, Ndryshimet klimatike tanimë evidente edhe tek ne, veprimet e dëmshme të faktorit njeri, si dhe problemet e ndryshme të planifikimit urbanistik, po na e shkaktojnë problemin e përmbytjeve pas reshjeve ekstreme, që i patëm këto ditë. Vërshimet e fundit, sidomos në komunën e Skënderajit, Mitrovicës, në disa pjesë tek ne në Drenas, Istog etj. e dëshmojnë këtë fakt, ku vetëm në Skënderaj dëmet e përafërta mbërrijnë në 10 milion euro. Thuajse një përrua shkaktoi tërë këtë shkatërrim në komunën fqinje, po ku jemi ne si Drenas me lumin që ka prurje dhe potencial edhe më të madh shkatërrues në kohë vërshimesh? Pavarësisht që përmbytjet zakonisht nuk mund të parandalohen, ka disa aktivitete që mund të ndërmerren, e të cilat do të zvogëlonin pasojat e kësaj fatkeqësie natyrore.

Ne si I.Q. “GREEN për Drenas” kemi qenë në vendin e ngjarjes në Skenderaj dhe me shqetësim të madh kemi diskutuar për nevojën që të propozojmë përpilimin e një Strategjie apo Plani Emergjent të veçantë për parandalimin dhe zvogëlimin e rreziqeve nga vërshimet në Komunën e Drenasit. Kurrë nuk është vonë, sepse këto situata do të na përsëriten, prandaj ky plan do të detajlohej edhe me involvimin e ekspertëve të fushave përkatëse.

Sot para jush dua të theksoj me bindje të plotë se përveç reagimeve individuale me njerëz dhe mjete apo makineri private, kapacitetet njerëzore dhe teknike si dhe gatishmëria reaguese në nivel lokal dhe të vendit dëshmonin për mungesë të një sistemi efikas të parandalimit dhe reagimin ndaj fatkeqësisë natyrore të vërshimeve.

Prandaj, si asamblist nga “GREEN për Drenas” kërkoj që për shkak të rëndësisë jetike dhe situatës emergjente që ka mundësi reale të na përsëritet, ta fusim si pikë shtesë të rendit të ditës “Përpilimi i Planit Emergjent Lokal për parandalimin dhe zbutjen e pasojave të vërshimeve”, bashkë me themelimin e një grupi punues për këtë qëllim.

Kryetari i Komunës Ramiz Lladrovci, e falënderoj për propozimin që është adekuat, por mendoj se nuk është për këtë seancë, sepse duhet një përgatitje më e madhe, kërkoj që kjo pikë me hy si pikë e rregullt të rendit të ditës, por kërkoj që me hy në mbledhjen e shkurtit.

Arbër Halilaj, përveç propozimit i keni edhe disa pika shtesë në bazë të cilave kishim punuar në një plan të tillë, e rëndësishme është ta fusim në rend dite si diçka që ka të bëjë me jetën dhe pasurinë e qytetareve nëse nuk ka rendësi mundeni edhe ne seancën e shkurtit mirëpo është

prioritet të punohet në këtë drejtim, dhe do të jemi të përgatitur për pasojat e mundshme të fatkeqësive natyrore.

Meqë nuk pati diskutime, vërejtje apo sugjerime tjera kryesuesi hodhi në votim rendin e ditës: prezent gjatë votimit ishin 30 anëtar, **(Për)** votuan 30 anëtar, kundër nuk pati, abstenim nuk pati, u miratua rendi i ditës.

Kryesuesi i Kuvendit Komunal Milaim Hajdari, hapi diskutimin për pikën e parë të rendit të ditës: **1. Procesverbali i mbledhjes së rregullt i Kuvendit Komunal Drenas të dt. 24.11.2022, dhe procesverbali i mbledhjes së Jashtëzakonshme i dt.28.12.2022.**

Labinot Halilaj, kërkoj që me i hedh në votim veç e veç procesverbalet, sepse ne nuk kemi qenë në mbledhje të jashtëzakonshme dhe nuk e votojmë një procesverbal që nuk kemi marrë pjesë në seancë.

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendin e ditës: prezent gjatë votimit ishin 30 anëtar, **(Për)** votuan 30 anëtar, kundër nuk pati, abstenim nuk pati, u miratua procesverbali i mbledhjes së rregullt i Kuvendit Komunal Drenas të dt. 24.11.2022.

Kryesuesi i Kuvendit Komunal Milaim Hajdari, hapi diskutimin për pikën e parë të rendit të ditës: **1. Procesverbali i mbledhjes së Jashtëzakonshme i dt.28.12.2022.**

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendin e ditës: prezent gjatë votimit ishin 30 anëtar, **(Për)** votuan 23 anëtar, 7 vota kundër, abstenim nuk pati, u miratua procesverbali i mbledhjes së Jashtëzakonshme i dt.28.12.2022.

Kryesuesi i Kuvendit Komunal Milaim Hajdari, hapi diskutimin për pikën e dytë të rendit të ditës: **2. Draft Propozim i Planit të Veprimtë për vitin 2023-2024 të Strategjisë së Zhvillimit Ekonomik Lokal 2020-2024 me ndryshim-plotësimin.**

Labinot Halilaj, kërkoj që mos ta votoni këtë pikë të rendit të ditës për arsye se nuk ka drejtor drejtorë.

Kryetari i Komunës Ramiz Lladrovi, akti i komunës duhet të votohet është në dorën e tuaj për me votu edhe kjo është në dorën tuaj nëse nuk votohet e dëmton procesin në grand të performances.

Mërgim Pirraku, konsideroj se kjo pikë e rendit të ditës duhet me u votu dhe i ftoj të gjithë për me e votu këtë pikë të rendit të ditës, unë do të votoj për.

Meqë nuk pati diskutime tjera kryesuesi hodhi në votim këtë pikë të rendin e ditës: prezent gjatë votimit ishin 29 anëtar, **(Për)** votuan 23 anëtar, 5 vota kundër, 1.

Kryesuesi i Kuvendit Komunal Milaim Hajdari, hapi diskutimin për pikën e tretë të rendit të ditës: **3. Propozim Vendim për miratimin e Simbolit Përkujtimor të Gjenocidit në Kosovë.**

Egzona Tërdevci, a është kompetencë që na takon në si nivel lokal a është më shumë kompetencë e nivelit qendror, nuk kam asgjë kundër vetëm se me duket se i është kompetencë e nivelit qendër.

Beqir Kiqina, sa i përveç këtij propozim vendimi le të behet simbol unik i përkujtimit të gjenocidit në Kosovë në parim nuk jemi kundër, pajtohem me kolegen nga VV për arsye se duhet me shiku në aspektin ligjor.

Kryetari i Komunës Ramiz Lladrovci, nuk na ndalon askush me miratu një vendim të tillë, nuk po bëjmë as një shkelje ligjore, është një ide e mirë.

Albulena Saliuku, derisa ka ardh edhe si kërkesë, duhet të votohet ky propozim vendim sa do që ndoshta i takon nivelit qendror pse mos ta bëjmë edhe në nivel lokal.

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 30 anëtar, **(Për)** votuan 30 anëtar, kundër nuk pati, abstenim nuk pati, u miratua kjo pikë e rendit të ditës.

Kryesuesi i Kuvendit Komunal Milaim Hajdari, hapi diskutimin për pikën e katërt të rendit të ditës: **4. Raporti i performancës të Komunës së Drenasit për vitin 2021.**

Egzona Tërdevci, kur e kemi pranuar këtë raport se me duket pak e vonë me diskutua në vitin 2023 Raporti i performancës të Komunës së Drenasit për vitin 2021, në raport të ministrisë e pash që e kanë dorezu në vitin 2022 por nuk pash datë. Unë i kam disa tregues që qëndrojnë pak më keq, është treguesi për infrastrukturën rrugore ku jemi rendit si komunë e 14-të e 56.38 pikë vlerësimi, është treguesi për ujë dhe pijes ku e kemi ngrit si shqetësim vazhdimisht ku jemi rendit në vendin e 13-të nga komunat, është treguesi për kanalizim ku jemi renditur në vendin e 8-të nga komunat pjesëmarrës për grand të performancës si dhe është, si dhe është menaxhimi një shqetësim që e kemi ngrit disa herë si shqetësim brenda kuvendit komunal, kërkoj një sqarim se ku kemi qalë në këto pika si dhe a kanë me qenë të njëjtë tregues ku kemi me qëndrua keq edhe për vitin 2022.

Kryetari i Komunës Ramiz Lladrovci, kjo pikë e rendit të ditës ka qenë në mbledhjen të cilën e kemi përfunduar para kohe në të cilën nuk merrnin pjesë asamblistët në mbledhje prandaj kjo ka pas në muajin 11 me u diskutua por do të diskutohet tani, ne sigurisht qalojmë dhe si rezultat i këtyre pikave nuk i kemi 90 pikë sa janë gjithsej por i marrim kësaj radhe i kemi 68 dhe jemi në vendin e parë për vitin 2021.

Meqë nuk pati diskutime, tjera kryesuesi hodhi në votim këtë pikë të rendit të ditës: prezent gjatë votimit ishin 30 anëtar, dhe u miratua në mënyrë unanime kjo pikë e rendit të ditës.

Kryesuesi i Kuvendit Komunal Milaim Hajdari, hapi diskutimin për pikën e pestë të rendit të ditës: **5. Raporti vjetor i Komitetit për Komunitete dhe Kthim.**

Mehedin Salihu, kur jemi tek performanca e falënderoj punëtorët e QKMF-së të cilën e kanë zënë vendin e katërt, i falënderoj për punën dhe aktivitetet.

Kryesuesi i Kuvendit Komunal Milaim Hajdari, hapi diskutimin për pikën e gjashtë të rendit të ditës: **6. Raporti vjetor i Komitetit Konsultativ për Persona me Aftësi të Kufizua për vitin 2022.**

Ariana Isufi- përfaqësuese e i Komitetit Konsultativ për Persona me Aftësi të Kufizuara për vitin 2022, prezantoi raportin vjetor të punës për vitin 2022.

Florentina Elezi-Veliu, njëra nga prioritetet për vitin 2022 që e keni cek ju ka qenë bashkëpunimi me OJQ që përfaqësojnë personave me aftësi të kufizuara, a mundesh me tregu me cilat OJQ në Drenas keni pas bashkëpunim, dhe rezultatet e bashkëpunimit që kanë qenë? Tjetra që e ceke njëra prej prioriteteve ka qenë edhe bashkëpunimi me ordinanca private për disa shërbime, për fizioterapi dhe Dentist, sipas informacioneve ofrohen këto shërbime në QKMF që janë falas, pse ka qenë e nevojshme të behën në ordinanca private apo nuk ka pas kapacitet në QMF, meqë u realizu kjo objektivi sa fëmijë kanë marrë trajtime në fizioterapi dhe sa në klinika dentare? Gjithashtu tjetra që e ceke bashkëpunimi me zyrën e pensioneve për të identifikuar numrin e personave mbi moshën 18 vjeçare e ceke që nga 36 numri ka rënë në 32 a ka ndonjë arsye a keni marrë ndonjë evidencë?

Ariana Isufi- sa i përket bashkëpunimi me OJQ-të në Drenas, kemi bashkëpunuar me organizatën e HANDIKOS i keni edhe fotot e bashkangjitura të takimeve, edhe sa i përket shërbimeve dentare që kemi bashkëpunuar me ordinancat stomatologjike që kane ofruar shërbime falas ne kemi bashkëpunuar po me të njëjtën organizatë, dhe prej HANDIKOS-it kemi evidentuar më shumë se 50 persona të cilat kanë nevojë për shërbime dentare, këta nuk janë se nuk i kanë provuar me i marrë këto shërbime në shtëpinë e shëndetit në Drenas mirëpo ne dina që shërbimet në QKMF në Drenas janë sfiduese dhe mungesa e materialit dhe mungesa tjera i pamundësojnë marrjen e shërbimeve për këtë arsye e kemi pas si nevojë më bashkëpunua me punua me disa ordinanca të cilat vullnetarisht ofrojnë këto shërbime falas për këta persona dhe që është në të mirën e personave më aftësi të kufizuara, ndërsa sa i përket shërbimeve fizioterapeutike janë 7 shërbime te cilat i kanë ofruar shërbime falas dhe është aktiviteti të cilën planifikojmë. Sa i përket kërkesave të pensioneve rënia e numrit të kërkesave kjo nuk do të thotë që çdo vit me qenë numri i njëjtë mund me pas ndryshime.

Mehedin Salihu, pajtohem me kolegën paraprake se nuk ka pas nevojë për ordinanca private për shërbime dentare sepse ka kapacitet QKMF-ja. A ka bisedua me menaxhmentin apo a ka bërë kërkesë për një gjë të tillë apo ju ka ardh më lehtë me shku në ordinanca private se sa me ndjek rrugën e kërkesave.

Ariana Isufi- lidhjen me pyetjen e juaj ne nuk kemi bërë kërkesë por vet pacientet kanë kërkuar më i marr këto shërbime, rezultati ka qenë se ka kohë pas kohe mungesë të materialit për marrjen e shërbimeve dentare në QKMF dhe si rezultat i kësaj ne kemi menduar një procedurë tjetër që mundemi me ju ndihmuar përmes ordinancave stomatologjike private të cilët kanë zgjedh me bashkëpunu me neve dhe jemi falënderues.

Mehedin Salihu, sa janë të integruar në institucione personat me aftësi të kufizuara?

Ariana Isufi- shifrat i kemi ne dhe ato mbeten kofidenciale dhe as initiale dhe as shifra tjera nuk japim.

Filloreta Bujupi, ju e ceket që nuk keni bërë në bashkëpunim me HANDIKOS-in përmes marrëveshjen për me i dergu fëmijët për fizioterapi sa ka qenë e favorshme për atë fëmijë që i keni bërë fizioterapi nëpër ordinanca private ndërsa HANDIKOS nuk ka qenë i njoftuar, a ka mundësi që ai fëmijë i ka bërë në të njëjtën ditë dy fizioterapi dhe sa ka qenë e dëmshme për atë fëmijë?

Ariana Isufi- sa i përket shërbimeve fizioterapeutike kanë qenë fëmijë që janë identifikuar edhe prej HANDIKOS-it mirëpo edhe nga asistentet e mësuesve mbështetës të shkollave të cilët kanë pas një raport mjekësor dhe i cili ka deshmë se ai fëmijë ka nevojë. Sa i përket shërbimeve se a ka marr shërbime në HANDIKOS dhe në një ordinancë private, ne e dinë që HANDIKOS pavarësisht që ofron shërbime shumë shërbime tjera përbrenda objektit nuk i ka të gjitha pajisjet e duhura, mirëpo në momentin kur ai fëmijë i ka marr shërbimet fizioterapeutike në HANDIKOS dhe ju kanë dashur shërbime tjera për me i përmbush nevojat të cilat kanë qenë të shkruara në raportin mjekësor kjo mundet me qenë vetëm plus për atë fëmijë sepse në të kundërtën ish dasht me i marr dikun privat dhe me i pagu.

Filloreta Bujupi, HANDIKOS e ka protokollin që me punu me këta fëmijë dhe nëse ai fëmijë ka mundur me i kry fizioterapitë në HANDIKOS, ju e ceket që nuk ka mundur mirëpo ne kemi informata se ka mujt me i kry këto shërbime mirëpo ka shku në ordinanca private ju që i keni udhëzuar pavarësisht kush i ka udhëzu, unë mendoj se nuk ka qenë e favorshme për ata kjo fizioterapi.

Ariana Isufi- unë mendoj se jeni keq informuar sepse ne këto shërbime i kemi ofruar në bashkëpunim me HANDIKOS dhe organizata tjera.

Filloreta Bujupi, a keni ndonjë dëshmi?

Ariana Isufi- secilin aktivitet që e realizojmë e kemi edhe një email e kemi një kërkesë tonën dhe e kemi listën që na dërgon HANDIKOS.

Florentina Elezi-Veliu, në raportin që e keni sjellë nuk keni askund fotografi që keni me HANDIKOS-in.

Ariana Isufi- po i keni edhe fotografitë e bashkangjitura të cilat kemi pas takime edhe me HANDIKOS-in

Kryesuesi i Kuvendit Komunal Milaim Hajdari, hapi diskutimin për pikën e shtatë të rendit të ditës: 7. Raporti vjetor i Komitetit Konsultativ për Arsimit Kulturë Rini dhe Sport për vitin 2022.

Zyrafete Morina, përfaqësuese e Komitetit Konsultativ për Arsimit Kulturë Rini dhe Sport për vitin 2022. Prezantoi raportin vjetor të punës për vitin 2022.

Egzona Tërdevci, njëra ndër mbledhjet që keni mbajtur e dt. 23.11.2022 është dhënë një rekomandim që Komuna e Drenasit të mundësojë qasje në objektin e qendrës rinore të gjitha OJQ-ve që funksionojnë në komunën tonë e që në fokus e kanë rininë, besoj që jeni të informuar që Drenasi nuk ka qendër rinore, nuk po e kuptoj këtë rekomandim kur Drenasi nuk ka qendër të rinisë.

Drejtori i Arsimit Muhamet Gjoka, kërkesat e re rinjve ka qenë që me pas mundësi me i zhvillua aktivitetet dhe të gjitha ju kanë referuar qendrës të rinisë aty ku është vendosur akademia "Flutura", ky komitet kane kërkuar që me pas një hapësirë të dedikuar por me kërkesë paraprake, akademia "Flutura" ka qenë e gatshme çdo herë me ju dhënë mundësi edhe organizatave tjera që me zhvillua ndonjë aktivitet por me koordinim paraprak për shkak që është edhe hapësira e nuk është e madhe në qendër.

Kryesuesi i Kuvendit Komunal Milaim Hajdari, hapi diskutimin për pikën e tetë të rendit të ditës: **8. Raporti vjetor i Komitetit Konsultativ për Zhvillim Ekonomik Mbrojtje të Ambientit Shëndetësi dhe Mirëqenie Sociale për vitin 2022.**

Fitore Sefiu, përfaqësuese e Komitetit Konsultativ për Zhvillim Ekonomik Mbrojtje të Ambientit Shëndetësi dhe Mirëqenie Sociale për vitin 2022, prezantoi raportin e punës të vitit 2022 të këtij komiteti.

Florentina Elezi-Veliu –përshëndetje e nderuar, po me vjen keq me duhet me te kritikuar – Raporti tepër i dobët duke e pasur parasysh një pune e tepër te gjere kemi mujt me be shume ma shume janë tema tepër te gjera për me u kap, shpresoj qe herën tjetër te vini ma te përgatitur.

Fitore Sejdiu -për gabime teknike e kam vërejtur me vone masi e kame dorëzuar, mirëpo për i dobëte e di qe puna sivjet nuk ka qene sikur viteve tjera te këtij Komiteti se ju keni qene dëshmitar edhe ne raportimet e viteve të kalume ,besoj qe herëve tjera kemi me qene ma te përgatitur ,Ju Faleminderit

Kryesuesi i Kuvendit Komunal Milaim Hajdari, hapi diskutimin për pikën e nëntë të rendit të ditës: **9. Raporti vjetor i Komitetit Konsultativ për Komiteti për Barazi Gjinore për vitin 2022.**

Arton Hasani, përfaqësues i Komitetit Konsultativ për Komiteti për Barazi Gjinore për vitin 2022, prezantoi raportin e punës të vitit 2022 të këtij komiteti.

Filloreta Bujupi, rekomandimet e juaja qe i keni dhanë sa janë realizuar ?

Arton Hasani-ndoshta ju kanë dukur jo te mira ose ka pasur diçka me te mire për me realizu.

Egzona Tërdeci, A kemi marr një email adrese se ai kane pëlqy qeto rekomandime për me i realizua?

Arton Hasani- pjesërisht kemi marr përgjigje mirëpo jo te gjithë.

Egzona Tërdevci-Faleminderit për raportimin tu kisha lut herëve tjera me qenë me serioz dimensionet si dhuna në familje, divorcet janë tema tepër të ndjeshme dhe prej kuvendit komunal nuk guxojmë me leshu nivelin ne diskutime sepse japin dhe shembull të keq të shoqëria nuk përçojmë mesash të mire të qytetaret, për herëve të tjera me mbajte në nivel pak ma serioz .

Arton Hasani-faleminderit shumë ne jemi mundu me jep ma te mirën nga ana jonë po kështu doli.

Arbër Halilaj, unë vetëm deshta të jap një sugjerim që të objektivat ose të strategjia e këtij komiteti të jetë ta zëmë krijimi i lehtësirave fiskale për grat dhe vajzat e reja që dëshirojnë të fillojnë biznes ose start UP sepse jo vetëm, të ky komitet po qellim strategjik i Komunës do të jetë sigurimi i mundësive buxhetore dhe i ndihmëse që grat, vajzat e reja të fuqizohen ekonomikisht dhe të pavarësohen, ndërsa secili komitet ka mundësi që të konsultohet edhe me ekspert ose me intelektual në shoqërinë civile që të merr praktika ose ide më të mira gjatë aktivitetit të tyre.

Kryesuesi i Kuvendit Komunal Milaim Hajdari, hapi diskutimin për pikën e dhjetë të rendit të ditës. **10. Raporti financiar Janar Dhjetor 2022.**

Shyqiri Bublaku- Drejtori i Financave, kisha me i njoftu anëtarët e kuvendit se ku është bërë një ndryshim me të hyrat e Kuvendi Komunal për shkak të pranimit të raportit të fundit të gjobave të Komunikacionit dhe gjobave të gjykatave për 3 mujorin e fundit.

Egzona Terdevci, tek të hyrat nga qiraja ka pas rritje të theksime prej vitit 2021 nëse mundemi me ditë çka e ka shkak këtë ngritje të hyrave, të hyrat nga inspeksioni ka rënie nga viti 2021 nëse ka mundësi me ditë pse ka ndodh kjo? Të taksa në firma është një rritje shumë e madhe por e kuptoj që është për shkak që është fal gjatë kohës së pandemisë kërkoj një sqarim, si dhe këtë shfrytëzimi i pronës komunale ka rënie të të hyrave nga viti 2021 a ka ma pak prona që janë në shfrytëzim 2022 apo cila është arsyeja, apo ndoshta nuk janë tu i pagu obligimet të cilat i kanë ndaj Komunës, si të tek të hyrat nga donacionet nëse nuk i keni të gjithë emrat, por prej kujt kanë ardh këto donacione?

Kryesuesi i Kuvendit Komunal Milaim Hajdari, hapi diskutimin për pikën e njëmbëdhjetë të rendit të ditës. **11. Të ndryshme.**

Egzona Terdevci, i kam disa shqetësime të banoreve që po i marrim vazhdimisht lidhur me gropat në rrugë e sidomos tani që i kanë heq pengesat dhe nuk ekziston kufizimi i shpejtësisë po i vërej me shumë gropat që janë gjatë rrugëve në Baicë dhe Tërdec, pres përgjigje në seancën e radhës nga Drejtori.

Shyqyri Bublaku- Drejtori i Financave, sa i përket qerasë ka pas rritje se janë dhënë disa prona që janë marr vendimet këtu në kuvend dhe ata i kanë bërë pagesat të qerasë të cilat i kane marr, te inspeksioni ka një rënie një muaj dite kemi qene ne proteste d.m.th. nuk është punuar kjo ka ndiku jo vetëm në këtë sektorë kemi pas rënie të hyrave vetanake, sa i përket taksave komunale kemi një rritje në krahasim me vitin e kaluar ky është rezultat që kane fillu me i pagu edhe borgjet e vjetra dhe ato kanë ndikuar, sa i përket shfrytëzimit të pronave komunale kjo pjesë është te parku i biznesit kemi land me përmbarues dh presim që shuma prej 300

Filloreta Bujupi, kërkoj që me vendos një vendkalim të këmbësoreve në këtë rrugën që është ndërtuar me katër korsi, derisa është parkingu i automjeteve ndërsa vendkalim të këmbësoreve nuk ka është rrezik jeta e qytetareve që po e kalojnë rrugën.

Kryesuesi i Kuvendit Komunal Milaim Hajdari, në momentin që behet përfundimi i asaj rruge besoj se do të behet edhe shenjezim i rrugës, dhe do ta përcjellim tek drejtoria këtë kërkesë?

Meqë nuk pati diskutime tjera kryesuesi e konsideroj të mbyllur seancën, seanca përfundoj rreth orës 12:55 min.

Me gjerësisht, mbledhjen e rregullt të Kuvendit të Komunës së Drenasit të datës 25.01.2023 mund të ndiqni në ueb faqen zyrtare të komunës, rrjetin social të Facebook-it dhe në kanalin YouTube.

Procesmbajtëse: Liridona Fejza-Ajazi

Erlona Gashi

Kryesuesi i Kuvendit Komunal

Milaim Hajdari

